



御選宋詩卷第六十一目錄

五言絕句一

徐鉉一首

寇準十四首

王曾一首

鮑當二首

晏殊一首

陳堯佐一首

范仲淹十七首

文彥博一首

趙抃一首

御選宋詩 卷六十一 目錄

歐陽修二十首

梅堯臣十二首

劉敞六首

黃庶二首

姚嗣宗一首

唐詢一首

邵雍一首

張俞一首

司馬光八首

范鎮一首

王安石十首



韓維十首

祖無擇四首

程師孟一首

馮山四首

沈邁二首

文同十首

蘇軾十三首

蘇轍九首

蔣之奇一首

孔武仲一首

孔平仲六首

御選宋詩

卷二十一

目錄

米芾二首

賀鑄二十首

張舜民一首

郭祥正二十三首

楊傑五首

潘興嗣一首

俞紫芝一首

袁陟一首

陳詵一首

郊僑一首

黃庭堅六首

秦觀二首

晁補之二首

晁說之一首

晁冲之八首

陳師道十首

洪炎一首

劉弇二首

陳瓘二首

劉安上三首

唐庚二首

崔鷗二首

御選宋詩

卷十一
目錄

韓駒四首

傅察四首

張表臣一首

汪藻一首

廖剛四首

李彌遜三首

周紫芝六首

御選宋詩卷第六十一

五言絕句一

徐鉉

自題山亭

跂石仍臨水披襟復挂冠
機心忘未得碁局與漁竿

寇準

南浦

春色入垂楊煙波漲南浦
落日動離魂江花泣微雨

有懷

秦川春晚晚漢水路迢遙
不待憑危檻離魂已暗銷

紙鷲

御選宋詩

卷六十一

徐鉉

寇準

一

碧落秋方靜騰空力尚微
清風如可託終共白雲飛

春雨

散亂縈花塢空濛暗柳堤
望迴腸已斷何處更鶯啼

聞笛

平野人歸後孤城日落時
西風聞一笛惆悵憶桓伊

殘月

光隨春漏細影共夕煙流
若近明河沒還疑隨玉鈎

送人遊邊

遠行當歲暮水溜路難分
疋馬陽關外邊聲落日聞

送轉運梅學士遊邊郡四首

帳飲惜離羣窮邊去路分
雪深山館夜孤雁背燈聞

絕塞程方遠窮陰歲欲殘石城歸夢斷隴月照人寒
水遠沉來信山長疊去愁夜深關月白休凭驛邊樓
夙駕巡邊徼歸程隔亂山長安花木麗春苑待君還
長安春望感懷

灞岸春波遠秦川暮雨微凭高正愁絕煙樹更斜暉
送人往嶺表

炎方君此去旅恨杳何窮海樹瘴煙黑蠻村山路中
途次

沙澗戍樓迥風高邊日清遲遲驅疋馬何處問歸程
王曾

立春帖子

御選宛詩

卷二十一

王曾

鮑當

晏殊

陳堯佐

二

北陸凝陰盡千門淑氣新年年金殿裏寶字帖宜春

鮑當

松江夜泊

舟閑人已息林際月微明一片清江水中涵萬古情
孤雁

寒多稻梁少萬里孤難進不惜充君庖爲帶邊庭信
晏殊

孟蘭盆

紅白薇英落朱黃槿豔殘家人愁溽暑計日望孟蘭

陳堯佐

昭慶寺

湖邊山影裏靜景與僧分一榻坐臨水片心閒對雲

范仲淹

江上漁者

江上往來人但愛鱸魚美君看一葉舟出沒風波裏

南園

南園萬樹花極目春芳麗林下老成人相招植松桂

行歌

行歌春滿路坐歌春滿園花前人自樂桃李豈須言

明月

明月照前墀朱絃奏流水清風如未回敢望無雲起

青郊

御選宋詩

卷空

范仲淹

三

青郊鳴錦雉綠水漾金鱗願得郢中客共歌臺上春

舟中

珠彩耀前川歸來一扣舷微風不起浪明月自隨船

寄歐靜秀才

君歸一水遙魂斷木蘭橈賴有南軒竹清風慰寂寥

越上聞子規

夜入翠煙啼晝尋芳樹飛春山無限好猶道不如歸

淮上遇風

一棹危於葉傍觀亦損神他時在平地無忽險中人

出守桐廬道中十首

錄三首

分符江外去人笑似騷人不道鱸魚美還堪養病身

素心愛雲水此日東南行笑解塵纓處滄浪無限情
滄浪清可愛白鳥鑑中飛不信有京洛風塵化客衣

江城對月

南國風波遠東門冠蓋回多情是明月相逐過江來
和李光化秋詠四首

曉

牆外轆轤響樓前河漢歛曙光和月色猶記早朝時

晝

日色清如照前林葉未零海東新隼至一點在青冥

晚

晚色動邊思去年猶未歸戍樓人已冷目斷望征衣

御選定詩

卷二十一

范仲淹

文彥博

趙抃

四

夜

春色人皆醉秋光獨不眠君看明月下何似落花前

文彥博

題龍潭寺

古寺依青嶂高軒俯碧潭山僧如有待先掃侍中庵

庵

曇

趙抃

書院

雨久藏書蠹風高老屋斜鄰居盡金碧一一梵王家

歐陽修

伊川泛舟

春谿漸生溜演漾迴舟小沙禽獨避人飛去青林杪
自菩提步月歸廣化寺

春巖瀑泉響夜久山已寂明月靜松林千峰同一色
晚過水北

寒冰消積雪凍浦漸通流日暮人歸盡沙禽上釣舟

遠山

山色無遠近看山終日行峰巒隨處改行客不知名

初秋普明寺竹林小飲餞梅聖俞分韻得亭臯

木葉下五首

臨水復欹石陶然共醉醒山霞坐未斂池月來亭亭

洛城風日美秋色滿蘅臯誰同茂林下掃葉酌松醪

御選宋詩

卷五

歐陽修

五

野水竹間清秋山酒中綠送子此酣歌淮南應落木

勸君芙蓉杯欲褰芙蓉葉垂楊礙行舟演漾回輕楫

山水日已佳登臨同上下衰蘭尚可採欲贈離居者

和梅聖俞杏花

誰道梅花早殘年豈是春何如豔風日獨自占芳辰

花山寒食

客路逢寒食花山不見花歸心隨北雁先向洛陽家

和聖俞百花洲二首

野岸谿幾曲松蹊穿翠陰不知芳渚遠但愛綠荷深

荷深水風濶雨過清香發暮角起城頭歸橈帶明月

春帖子詞

皇后閣

藹藹珠簾日溶溶碧瓦煙漪漣采苻水和暖浴蠶天

夫人閣

太史頒時令農家候土牛青林自花發黃屋爲民憂
元會千官集新春萬物同測圭知日永占歲喜時豐

端午帖子詞

皇帝閣

舜舞來遐俗堯仁浹九區五兵消以德何用赤靈符

皇后閣

繭館覆柔桑新絲引更長紉爲五色縷續壽獻君王

夫人閣

御選宋詩

卷十一

歐陽修

梅堯臣

六

嗚啁驚早夏鬪草及良辰共薦萸華酒君王壽萬春
黃金仙杏粉赤玉海榴房共鬪今朝勝盈禱百草香

梅堯臣

寒草

寒草纔變枯陳根已含綠始知天地仁誰道風霜酷

月暈

月暈已知風燈花先作喜明日挂帆歸春湖能幾里

和資政侍郎湖亭雜詠絕句十首

蓮塘

不畏塘雨急蓮葉自相遮文禽忽驚去衝落波上霞

稻畦

淺淺碧水青青稻苗長偏知楚客愛白鷺飛下上
苔徑

林間夏雨滋復有斜陽照綠淨不搖風從教春草笑
流泉

石齒嚼寒聲粼粼縈曲處有時浮落英又過城東去
漁艇

古木剝為舟野藤牽作纜釣人寒雨中遠望烟蓑暗
拒霜

木杪芙蓉花開非紅豔早常畏晚霜寒朱華競衰草
雜詩絕句十七首 錄四首

荒水浸籬根籬上蜻蜒立魚網挂遠籬野船籬外入
御選宋詩 卷空 梅堯臣 劉敞

七

岸傍草樹密往往不知名其間有啼鳥似與船相迎
沙頭風雨來帖水野雲黑如觀曹公營萬弩射船側
前時雙鴛鴦失雌鳴不已今更作雙來還悲舊流水
劉敞

清明後鴈

留滯江南久今來萬里歸春風稍和暖作意入雲飛
寄書

區脫逢歸驛作書憑寄聲那知夢識路先入大梁城
紅玉誰家女

紅玉誰家女

紅玉誰家女雙瞳似水流映花笑漢使不覺墜搔頭
紅玉誰家女明豔奪青春羞人不得語含笑却成嘔

翠霞金縷衣獨立翳斜暉無柰春風蕩吹人只欲飛
春風能吹衣不能解人意使我爲朝雲與君從此逝

黃庶

和劉卿材十詠

錄二首

紅樹

幾樹濃於茜斜陽景最幽忽因風雨盡全減十分秋

水鴨

憶在山中日溪邊把釣鈞相逢恐驚起招手却回舟

姚嗣宗

題驛壁

踏破賀蘭石掃清四海塵布衣能辦此可惜作窮人

御選宋詩

卷五

劉敞 黃庶 姚嗣宗 唐詢 邵雍 張俞

八

唐詢

顧野王讀書處

平林標大道曾是野王居往事將誰語淒涼六代餘

邵雍

夏日南園

夏木無重數森陰翠樾低相呼百禽語大半是黃鸝

張俞

蠶婦

昨日到城郭歸途淚滿巾遍身羅綺者不是養蠶人

司馬光

梅花

塞北爲君戍江南是妾家遙知關外雪正似嶺頭花
驛使何時發憑君寄一枝隴頭人不識空向笛中吹
登長安見山樓

到官今十日纔得一朝閒歲晚愁雲合登樓不見山
放鸚鵡

野性思歸久籠樊今始開雖知主恩厚何日肯重來
皇帝閣春帖子詞

肇履璇璣曆重飛緹室灰寒隨土牛盡暖應斗車回
鸞路迎長日農祥正曉天九垓同燠沐萬物向蕃鮮
盛德方迎木柔風漸布和省耕將效駕擊壤已聞歌
候雁來歸北寒魚涉負冰相烏風色改暘谷日華升

御選宋詩

卷二

司馬光

范鎮

王安石

九

范鎮

望湖臺

臺上望城下迢遙知幾尋湖光隱隱見多礙柳煙深

王安石

霹靂溝

霹靂溝西路柴荆四五家憶曾騎款段隨意入桃花

北山游亭

西崦水泠泠汾岡有游亭自從春草長遙見祇青青

紅梅

春半花纔發多應不耐寒北人初未識渾作杏花看

山中

隨月出山去尋雲相伴歸
春晨花上露芳氣著人衣
送王補之行風忽作因題四句於舟中

淮口西風急君行定幾時
故應今夜月未便照相思
南浦

南浦隨花去迴舟路已迷
暗香無覓處日落畫橋西
江上

江上漾西風江花脫晚紅
離情被橫笛吹過亂山東
雜詠

已作湖陰客如何更遠遊
章江昨夜月送我到揚州
送丁廡秀才歸汝陰

風駛柳條乾駝裘未勝寒
慙慙陌上日爲客暖征鞍
御選宋詩

梅花

卷五

王安石

韓維

十

牆角一枝梅凌寒獨自開
遙知不是雪爲有暗香來

韓維

和晏相公湖上

霧霽山高牖天寒水落沙
試披深岸草往往見黃花
穫水登紅稻篙舟割紫菱
盃盤見秋物江海思飛騰
風枝挂危葉飛動夕陽中
莫遣兒童撼留看著露紅

城西書事五首

蔬畦遶茅屋林下輓轡遲
霜蔓已除架風瓢空挂籬
朱果繁霜後甘甜半自零
忽驚林色曙零落見殘星
犬吠村墟改人移井白空
誰家收粟罷林脚有遺蓬

松陰不可憇，冷冽恐飛霜。時有高風過，乾花落石牀。
野竹蒙荒塹，寒花亂廢墟。秋郊足幽事，直欲帶經鉏。
徐秘校過池上見訪留二絕句

樽酒浮多蟻，舟篷覆似蝸。折楊爭貫鯉，編竹自撈蝦。
憐君此休駕，長日坐傾斜。山雨催行酒，林煙候煮茶。
祖無擇

袁州慶豐堂十閑詠 錄四首

吏散鈴齋掩，閑眠到日斜。無端是春夢，容易繞京華。
青山日相對，閑看白雲生。誰謂無心出，中含濟物情。
曉按三杯後，閑烹北苑茶。色香俱絕品，雪泛滿甌花。
雨霽輕埃息，閑吟面曲池。遊鱗時對擲，雙破碧漣漪。

御選宋詩

卷十一

韓維 祖無擇 程師孟 馮山

十一

程師孟

執爨

吹火鶯脣斂，投柴玉腕斜。回看煙裏面，恰似霧中花。

馮山

閩中蒲氏園亭十詠 錄四首

方湖

蒲柳春陰重，禽魚晚景多。輕舟乘酒去，明月扣舷歌。

芙蓉溪

野景宜花看，秋芳近水多。溪流光不斷，千尺粉紅羅。

涵碧亭

日影搖吟筆，煙光落酒杯。猶嫌池外俗，移入鏡中來。

草庵

竹影搖金翠，泉聲響珮環。庵前春日落，人向定中還。
沈邁

甓社湖

青天澹無雲，白水平無波。拖舟鏡中行，柰此清絕何。
晝寐

衙退冠珮捐，吏休簿書却。山城賓客稀，永日臥高閣。
文同

蒲氏別墅十詠

錄二首

方湖

風交蒲葦亂，煙斷鳧鷺飛。日暮一笛起，扁舟垂釣歸。

御選宋詩

卷十一

馮山

沈邁

文同

十一

芙蓉溪

曉靄滋花色，晴輝發水光。何人露新纈，不管著秋霜。

閬州東園十詠

錄五首

四照亭

畫箔褰何礙，珍叢發已圓。願公皆遍賞，莫爲一隅偏。

柳橋

援風誇晚態，垂雨怯春寒。爲問題芳意，誰同倚畫欄。

曲池

水似珠璫入池如，玉鏡開臨流。唯自適魚鳥，莫相猜。

花塢

繚繞穿紅萼，爛斑踏紫苔。誰將錦步障，端爲使君開。

蘭欄

玉筍齊抽日金釭競列時自然俱可愛莫放畫簾垂
守居園池雜題

露香亭

宿露濛濛曉花婀娜清香發隨風入懷袖累日不消歇

溪光亭

橫湖決餘波瀲灩瀉寒溜日影上高林清光動窗牖

寒蘆港

落月照冰湖曉氣何太爽兩岸雪煙昏鳧鷗出深港

蘇軾

留題石經院三首

御選宋詩

卷五

文同

蘇軾

十三

蔥蒨門前路行穿翠密中却來堂上看巖谷意無窮
天矯庭中檜枯枝鵲蹋梢瘦皮纏鶴骨高頂轉龍腰
窈窕山頭井潛通伏澗清欲知深幾許聽放輶轡聲

初入廬山

青山若無素偃蹇不相親要識廬山面他年是故人
自昔懷清賞神遊杳靄間如今不是夢真箇是廬山
芒屨青竹杖自挂百錢游可怪深山裏人人識故侯

雍秀才畫草蟲七物

錄二首

促織

月叢號耿耿露葉泣溽溽夜長不自暖那憂公子寒

蟋蟀

洪鐘起暗室飄瓦落中庭誰言轉丸手能作殷牀聲
書劉景文所藏宗少文一筆畫

宛轉回紋錦縈盈連理花何須郭忠恕匹素畫繅車
寄虎兒

獨倚桃榔樹樹間挑草撥根謀生看拙否送老此蠻村
儋耳山

突兀隘空虛他山總不如君看道旁石盡是補天餘
題贈田辨之琴姬

流水隨絃滑清風入指寒坐中有狂客莫近繡簾彈
靈上訪道人不遇

花光紅滿闌草色綠無岸不逢青眼人長歌白石澗
御選宋詩

蘇轍

卷五

蘇軾

蘇轍

十四

和文與可洋州園亭三十詠

錄六首

湖橋

湖南堂宇深湖北林亭遠不作過湖橋兩處那相見

橫湖

湖裏種荷花湖邊種楊柳何處渡橋人問是人間否

書軒

綠竹覆清渠塵心日日疎使君遺癖在苦要讀文書

水池

水深水亦厚湜蕩鋪寒玉好在水中魚何愁池上鷺

寒蘆港

蘆深可藏人下有扁舟泊正似洞庭風日暮孤帆落
冷冷谷

層崖落飛泉微風泛喬木坐遣谷中人家有琴筑
皇帝閣端午帖子詞

溽暑避華構清風迎早朝楓槐高自舞冰雪晚初消
南訛初應曆五日未生陰靈藥收農錄薰風拂舜琴
遺老齋絕句

久無叩門聲剥啄問何故田中有人至昨夜盈尺雨

蔣之奇

萍鄉即事

地接長江近鄉名自古聞毛山千嶂雪玉女一墩雲

御選宋詩

卷十一

蘇轍蔣之奇孔武仲孔平仲

十五

孔武仲

關山

嶺盡還臨水溪窮又有山人遊明鏡裏鳥語白雲間

孔平仲

曹亭三絕句

外看江水長裏見荷花發廬阜收白雲南浦浸明月
漾舟荷花裏艤棹綠楊陰却上曹亭望山高江水深
登臨常患遠游覽不能繼此景對門牆篋輿日三四

寄內

試說途中景方知別後心行人日暮少風雪亂山深

郭公

枉渚潮初落平岡日又西蘆叢深處泊惟有郭公啼
池上作

寂歷人初定逍遙物已齊夜涼天似水月在小橋西

米芾

題濮王宗漢畫蘆鴈二首

偃蹇汀眠鴈蕭梢風觸蘆京塵方滿眼速爲喚花奴
野趣分茗水風花剪雪湖塵中不作惡爲有鄴公圖

賀鑄

懷寄冠元弼王文舉十首

初別後

樽酒津亭別還城何所投無情是流水斷送到南州

御選定詩

卷二

孔平仲

米芾

賀鑄

十六

過碧蘆軒

東軒美風月詩酒半歡呼昨日牆陰過依依見碧蘆

出小市門

小市門南路舊遊聯馬行祇從前日別秋草一番生

登飛鴻亭

南京一登眺朔雁正來賓好去長淮北殷勤訪故人

游百步洪

百步洪頭水秋霖一夜渾相携濯纓處無復履綦痕

登黃樓

何處延明月東城尺五樓故人那得見後夜是中秋

局中歸

不見西街客歸來即閉門胡林面南樹烏鵲噪黃昏
招元弼

暑雨茅柴熟秋風淮白肥留連阮校尉何日跨驢歸
招文學

後夜溪山雪臨門望子猷莫因清興盡半道却回舟
賦後詩

偶得悲秋句還驚舊社空中庭步明月朗詠與西風
春晚樓上

楊花吹復盡春色但茫茫獨立西樓上持情向夕陽
和陳傳道秋日十詠錄四首

御選宋詩
卷之五賀鑄
秋晴
七七

歸雲去悠悠長風來獵獵簷角兩長楸斜陽曬黃葉
秋夜

病骨倦空林曳杖閒庭步暗燭與寒蟲迢迢思風露
秋曉

未卷半簾霜猶疑在庭月倚樹汲清泉疎風獵華髮
秋月

霜空出華月樽酒聊相對別夜復嬋娟故人千里外
和同行潘生悒悒復悠悠二首

悒悒復悒悒愁眠成夢泣薄暮落花天高樓面風立
悠悠復悠悠淚寄東風流所思悵何許西北齊雲樓

懷寄清涼和上人

試問江南客何時肯渡杯多情是湖水每日石頭來
長安在何許二首

長安在何許疑在青天上矯首遡西風浮雲斷人望
長安在何許疑在白日下徘徊天一隅華月生新夜
張舜民

紈扇

紈扇本招風曾將熱時用秋來挂壁上却被風吹動

郭祥正

春水綠波

春江波自綠不染木蘭舟只與岸邊草依依添客愁

簡寂碧溪亭

御選定詩

卷三

賀鑄

張舜民

郭祥正

六

山光與溪色一碧瀉雲中倚檻久未去更聽松上風

寄漳州詩僧緣進

一彈弦一絕思君腸百結雁過無書來立盡松間月

和楊公濟錢塘西湖百題

錄二十首

柳洲

春光湖水滿春色柳洲深莫作風中線條條繫客心

巾子山

嵯峨插天頂寒翠灑湖光吟客搖船子猶疑漉酒香

閒泉

人去泉長在人忙泉自閑不供魚鳥飲只是照青山

西村

遠近皆僧刹西村八九家得魚無賣處沽酒入蘆花

合澗橋

兩澗飛來處雲深合一橋更無岐路別從此入煙霄

北高峰

翠出諸峰上湖邊正北看夜深雲霧散獨挂斗杓寒

白雲峰

湖上峰爭碧此峰藏白雲雲光連月色鷗鷺亦迷羣

葛塢

二葛繼成仙猶存鍊丹處有時化鶴來徘徊不知去

渦渚東嶼

小嶼春歸後青蒲渦渚東日高漁鳥散煙澹一林風

御選尺詩

卷六十一 郭祥正

九

石門澗

啟閉何人見湍流一澗分仙家無路入空鎖石樓雲

伏龍灘

潭心有伏龍急溜和雲濺頭角何時成願借風雷便

西溪

西溪在湖外一派濯殘陽游子託漁艇却愁歸路長

見山亭

遊子一凭欄遍看湖上山不須飛鳥去已在畫屏間

客兒亭

翻經人已去誰爲立幽亭一望野雲白半藏山骨青

稽留峰

孤峰出天外客到亦稽留不覺月華晚澗猿啼更愁
大慈塢

十剎密相望林開一塢香木魚聲漸急山衲下雲房
翠樾堂

深堂待遊客老木競留春花發多臨水雲開始見人
映發亭

吳越江分斷山光還映發白鳥東飛來應隨渡江月
南屏山

真山反如假壘徑入雲屏不借湖光洗朝朝潑黛青
長橋

橋短故名長路穿雲水鄉遊人欲歸去濯足弄殘陽

御選宋詩

卷三

郭祥正

楊傑

三

楊傑

題陳令壁

地勝汗山國風清令尹家酒闌寒食夜月上海棠花
徐賢亭偶成

湖外青山在湖邊人不歸古今無問處幽鳥下漁磯
送陳令歸無爲

楚水漾輕碧楚花飛亂紅故人故鄉去半雨半晴中
野寺

澤國春風老雜花間芳草門前車馬稀竹葉無人掃
滴滴泉

巖谷連天嶺杉松徹象山路從雲外人自海邊還

潘興嗣

大梵院

蕭蕭竹上風瑟瑟澗下水中梵晚更幽人禽聲亦喜

俞紫芝

松

萬壑搖蒼煙百灘渡流水下有跨驢人蕭蕭吹醉耳

表陟

宴坐巖

霜路凝空白松杉斂翠陰泉聲月中冷山色暝來深

陳說

和祖擇之袁州慶豐堂間詠

御選宋詩

卷五

潘興嗣 俞紫芝 表陟 陳說 郊儔 黃庭堅

五

秀泉開舊甃初試仰山茶寂寂有餘意池蓮三五花

郊儔

訪凌峰賢上人

步入凌峰閣尋師師未歸凭欄寂無語惟見白雲飛

黃庭堅

題畫雁

水國鴻雁秋烟沙風日麗莫遣角弓鳴驚飛不成字

題花光爲魚公卷作水邊梅

梅蘂觸人意冒寒開雪花遙憐水風晚片片點汀沙

戲詠蠟梅

金蓓鎖春寒惱人香未展雖無桃李顏風味極不淺

體熏山麝臍色染薔薇露披拂不滿襟時有暗香度
離福巖

山下三日晴山上三日雨不見祝融峰還泝瀟湘去
和涼軒

打荷看急雨吞月任行雲夜半蚊雷起西風爲解紛
秦觀

題趙團練畫江干曉景

公子歌鐘裏何從識渺茫惟應斗帳夢曾到水雲鄉
曉浦煙籠樹春江水拍空煩君添小艇畫我作漁翁
晁補之

國子監暮歸

御選宋詩

卷之二

黃蘗秦觀晁補之晁說之晁冲之

三

杖履清晨往縑囊薄暮歸間官廳事冷蝴蝶上堦飛
題宗室大年畫扇

西風入叢竹慘澹帶秋陰驚起中泝雁衡陽萬里心
晁說之

遣愁

白盡汀蘋老黃凋岸草秋西風正蕭瑟何處不堪愁
晁冲之

與秦少章題漢江遠帆

楚山全控蜀漢水半吞吳老眼知佳處曾看八境圖
江山起暮色草木斂餘昏誰感離騷賦丹青弔屈原
雲埋鳳林寺浪打鹿門山今日江風惡郎船勸不還

江濶鴈不到山深猿自迷傳聞杜陵老只在灊東西
石似浣紗石江如濯錦江征帆向何處雲霧晦蓬窗
龍興道中

澗道垂黃花山城擁紅葉人爭小舟渡馬就平沙涉
謝任伯久無書常子然寄茶謝之因簡任伯
諫議茶猶送郎官迹已疎斜封三道印不奉一行書
次韻陳叔易蘆橋

橋濶狹如馬蘆高低似人白蘋洲上客枉恨洞庭春
陳師道

和豫章公黃梅

色輕花更豔體弱香自永玉質金作裳山明風弄影

御選宋詩

卷三

晁冲之

陳師道

三

黃梅

異色深更晚生香故觸人不施千點白別作一家春
冉冉梢頭綠娉婷花下人欲傳千里信暗折一枝春

巨野二首

紅落芙蓉晚青深蒲稗秋平湖無過鳥鳴鼓有行舟
蒲港侵衣綠蓮塘亂眼紅將身供世事結纜待回風

夜句

老樹仍孤秀秋蟾只獨明何須夜來雨却聽枕前聲
短短長長柳三三五五星斷雲當極目不盡遠峰青

雁

來往違寒暑飛鳴在稻梁未知溟海大不肯過衡陽

截水無留影，哀空有斷雲。翅開先作字，行斷不成羣。

晚遊九曲院

冷落叢祠晚，回斜狹路賒。平荷留夜雨，驚鳥過鄰家。

洪炎

袁遜翁雲溪居

水竹依山住，煙霞並舍分。秋添中夜雨，冷沒一溪雲。

劉夬

次韻譚令尹茅庵

罇月明窗紙，涼竿掃徑塵。却應環堵在，瀟灑屬吾人。
丈室纔驚子，神遊殆化人。公乎聊寄迹，肯此負朝紳。

陳瓘

御選宋詩

卷全

陳師道 洪炎 劉夬 陳瓘 劉孝

五

秀聚亭

曉色春風裏，維舟一小亭。看山渾不倦，坐待雪峰青。

馬上

策馬帶殘星，郊原破暑清。人間千萬事，併入一時情。

劉安上

萬田道中

水澗疑無路，雲深僅有山。兒童划小艇，出沒稻塍間。

花靨鎮

下蔡嬉遊地，春風萬杏繁。誰家堪繫馬，青壁竹籬門。
花靨誰名鎮，梅妝自古傳。家家小兒女，滿額點花鈿。

唐庚

栖禪歸書所見

雨在時時黑春歸處處青山深失小寺湖盡得孤亭
春著湖煙膩晴搖野水光草青仍過雨山紫更斜陽

崔鷗

春日

落日不可盡丹林紫谷開明明遠色裏歷歷暝鴉回

題績溪雪峰樓

題詩最高處不爲待人看記著今朝勝山明松雪寒

韓駒

梅花

山居有幽思小雪破梅心的樂明陰壑玲瓏挂晚林

御選宋詩

卷三十一

唐庚

崔鷗

韓駒

傅察

三

吹香撩遠興弄影慰孤斟剩欲留長在霜枝半不禁

題花長老

曉出花光寺雲沙滿眼新歸來看圖畫借問若爲真

昨欲浮湘去蹇裳望九疑清湘今入手一棹更何之

傅察

雪

都城十日雪戶庭皓已盈呼兒試輕掃留伴小窗明
春雷忽隱隱春雪復紛紛農夫戒及澤荷鍤已成雲

夢覺

日永不可過夜涼愁更多蟬聲鳴曉月孤枕夢如何

思家

一別遽如許歸期可柰何無心戀明月有淚寄流波
張表臣

詠碧筍酒

釀憶青田核觴宜碧藕筍直須千日醉莫放一杯空

汪藻

北窗

睡起無一事怡然盼庭柯綠陰微缺處最得南颺多

廖剛

次韻當時官長院中三絕句

柳嫩風吹綠花嬌雨妬香欲憑羲馭緩莫遣負韶光

簷雀矜巢噪桑鳩喚婦鳴客愁饒餽外賣花聲

御選宋詩

卷六二

傅察

李彌遜

張表臣

汪藻

廖剛

三

畫舸便春漲驕驄惜障泥歸知何所愜煙柳子陵溪

還憇旅店茅軒

茅軒有何好小駐客心寬始覺安居樂無如行路難

李彌遜

遊梅坡席上雜酬

醉帽迎風落春衣日徑斜花梢密藏路隱約見山家

花擁山頭白雲翻日脚斜銀蟾已照落遊客莫思家

席上次邵文伯韻

月色漾明玉花光揚素波醉吟吾豈敢能賦屬陰何

周紫芝

舟中曉色

望處天仍濶雲邊雨未成秋風莫吹散留作打篷聲
風急雨初過天高日未曛翠鬟堆晚岫水墨畫秋雲
題錢少愚四畫

鴛浦

一點傷春恨看成兩鬢霜如今無此夢莫畫兩鴛鴦

釣雪

一昨東吳去回頭又十年可憐江上雪空落釣魚船

蘭亭

事去空千載何曾有若人只應煙樹裏便是永和春

秋觀

雨足三湘岸煙含七澤秋可能無尺地分得庾郎愁

御選宋詩

卷十一

周紫芝

三

御選宋詩卷第六十一

御選宋詩卷第六十二目錄

五言絕句二

呂本中三首

陳與義十首

沈與求五首

程俱一首

徐俯二首

陳淵二首

朱松四首

朱禕一首

鄭剛中四首

御選宋詩

卷六十二目錄

劉子翬十五首

鄭樵一首

周必大五首

尤袤一首

范成大十一首

陸游八首

楊萬里三十五首

張孝祥六首

汪應辰一首

洪适一首

洪邁一首

朱熹一百二十五首

張栻二十首

御選宋詩

卷六三
目錄

二

御選宋詩卷第六十二

五言絕句二

呂本中

題蘆雁扇

雁下秋已晚
江天風雨微
寧爲聚沙立
不作傍雲飛

夜雨

夢短添惆悵
更深轉寂寥
如何今夜雨
只是滴芭蕉

夢

夢入長安道
萋萋盡春草
覺來春已去
一片池塘好

陳與義

同家弟賦蠟梅詩得四絕句

御選宋詩

卷六十二

呂本中

陳與義

一

朱朱與白白
著意待春開
那知洞房裏
已傍額黃來
韻勝誰能舍
色莊那得親
朝陽一映樹
到骨不留塵
黃羅作廣袂
絳帳作中單
人間誰敢著
留得護春寒
一花香十里
更值滿枝開
承恩不在貌
誰敢鬪香來

題持約畫軸

日落川更濶
烟生山欲浮
舟中有閑地
載我得同遊

出山

山空樵斧響
隔嶺有人家
日落潭照樹
川明風動花

入山

出山復入山
路隨溪水轉
東風不惜花
一暮都開遍

衡嶽道中

城中望衡山浮雲作飛蓋
竭來巖谷遊却在浮雲外
絕句

野鴨飛無數桃花溼滿枝
竹輿鳴細雨山客有新詩

九月八日戲作兩絕句示妻子

錄一首

小甕今朝熟無勞問酒家
重陽明日是何處有黃花

沈與求

次韻曾守立春席上七絕句

錄五首

澤國春歸早連門競築臺
夜來風力峭疎片半飄梅
曉凍穿流急晨光照火新
四郊和氣合歌吹待班春
日應東風轉春隨北斗回
不須鄒子律餘暖到寒荑
曉卜農祥正遙知歲事豐
小桃如有意欲吐故時紅

御選宋詩

卷六

陳與義 沈與求

程俱 徐俯

二

曲席紛羅綺中腔度管絲
歡聲連萬井一一擁春旗

程俱

書壽昌驛

歲暮白日速風高黃葉稀
歸心與寒雁一夜向南飛

徐俯

白鷺洲

金陵與廬陵俱出白鷺洲
相望萬里江中同二水流

雙廟

開元天寶間袞袞見諸公
不聞張與許名在臺省中

陳淵

楊花

漫天方作雪糝徑忽鋪氈已是春如酒那堪爾似綿
題綠波亭

南浦江波綠陽關柳色青夕陽千古恨分付短長亭

朱松

雨

撼撼初鳴竹涓涓稍滴簷忽然幽夢斷更覺曉寒添
織織花入麥漫漫雨黃梅泥徑無人度風簾爲燕開

五言小詩

散策橋南路春容最好時夢回花滿眼猶恐是辛夷
牛歸坡草暖船繫岸花零白隋尊同臥黃昏月照醒

朱棹

御選宋詩

卷三

陳淵 朱松 朱棹 鄭剛中 劉子翬

三

春間小詩書趙園辟追錄之

小語不知夕幽香無盡時影寒人欲醉明月照醱醪

鄭剛中

春到村居好四絕

春到村居好茅簷日漸長杯深新酒滑焙煖早茶香

春到村居好園林興味長蠶食桑眼出蜂趁蜜脾忙

春到村居好枯腸飽可圖筍尖將露角麥秀欲生鬚

春到村居好清明欲禁烟亂紅桃下雨輕白柳飛綿

劉子翬

雜題

積雨生秋意浮陰放晚晴鐘聲寒野迥橋影小溪清

簷溜停清瀉林聲息怒號水浮秋色遠山帶夕陽高
宿雁猶驚渚昏鷗已著林野平雲散亂江動月浮沉
石峰春靄

寒山遠欲無春在冥濛處何如掃浮陰盡放峒堯露
潭溪秋碧

秋空晚自明孤烟澹難起適意一枝筇時來對寒水
萑

肉食嘲三九終憐氣韻清一畦春雨足翠髮剪還生
子薑

新芽肌理膩映日淨如空却似勻妝指柔尖帶淺紅

蘿蔔

御選宋詩

卷六十一

劉子翬

四

密壤深根蒂風霜已飽經如何純白質近蒂染微青

池蓮四詠

葉

郁烈香浮雨團圞綠蔭波近堤千葉亂知有畫船過

花

孤紅低映岸併豔遠連汀露浥層層轉風披葉葉零

藕

密蘊羅紋細明含玉色清冰盤時薦美刀惹斷絲輕

子

分房圓戢戢弄色翠涓涓摘實憐空酌方知雨露偏

一樹

一樹梅開早清香襲客卮夕陽簫鼓散半是折殘枝
晚宿

石瀨分流小霜林間樹紅暮橋橫隱約寒鍛響丁東
畫船

隱約菱歌斷斜陽水面移美人貪照影不覺畫船欹

鄭樵

福寧州藍溪寺前蒙井

靜涵空碧色瀉自翠微巔品題當第一不讓惠山泉

周必大

皇帝閣春帖子

日向皇都永冰從太液融入荒開壽域萬國轉春風

御選宋詩

卷六十一

劉子翬 鄭樵 周必大 尤袤

五

綵勝年年巧椒盤歲歲新君王千萬壽長與物華春
暖律催花蘂晴暉活柳枝發生雖有信造化本無私
紫禁風光早深仁奪化工試看澄碧殿池凍已全融
選德庭前柳朝來漏泄春等閒施御箭穿葉捷於神

尤袤

聽鶯閣

春催金谷曉一望百花齊不作遼西夢從渠著意啼

范成大

小澗

石礙珠旒濺灘平霧縠鋪小童能好事繫馬鬪菖蒲

雙燕

底處飛雙燕銜泥上藥欄莫教驚得去留取隔簾看
衡陽道中

桑下蕪菁晚高花出短籬茅簷少春事惟記浴蠶時
黑毳鑽籬破花猪突户開空山竹瓦屋猶有燕飛來

何同年書院

有丹竈
甚雅

竹色侵晚帙泉聲漱嵌根試通丹竈路應到老人村
初秋

急雨過窗紙新涼生簾藤蹒跚老鈴下來炷壁間燈
題徐熙杏花

老枝當歲寒芳蘄春澹注霧綃輕欲無嬌紅恐飛去

道中古意

御選宋詩

卷六十一

范成大
陸游

六

桃李寂無言垂楊照溪綠不見苧蘿人空吟若邪曲

題蜀果圖四首

錄二首

木瓜

沈沈黛色濃糝糝金沙絢却笑宣州房競作紅妝面

櫻桃

火齊寶瓔珞垂於綠繭絲幽禽都未覺和露折新枝

瑞香

一叢三百朵細細拆濃檀簾幕護花氣不知窗外寒

陸游

梅花

山月縞中庭幽人酒初醒不是怯清寒愁踏梅花影

題瑩上人二畫 錄一首

剡溪

天地又秋風，谿山憶剡中。孤舟幸閒住，借我訪支公。

題庠閣黎二畫 錄一首

秋景

秋山瘦嶙峋，秋水渺無津。如何草亭上，却欠倚闌人。

早春

西村一抹煙，柳弱小桃妍。要識春風處，先生拄杖前。

新秋以窗裏人將老門前樹欲秋爲韻作小詩

十首 錄一首

殘暑無多日，幽居近小江。酒醒中夜起，松月入山窗。

御選宋詩 卷六十一 陸游 楊萬里

柳橋晚眺

小圃聞魚躍，橫林待鶴歸。閑雲不成雨，故傍碧山飛。

幽事

矮紙來吳下，長毫出宛陵。自書霜夜句，持寄剡中僧。

山麓

草合路如線，偶隨樵子行。林間遇磬石，小憩看春耕。

楊萬里

董主簿正道，辟間作水墨。老梅一枝宿，鵲縮脰。

合半眼棲焉

斜枝飽風雪，疎花淡冰玉。一鵲忍清寒，居然伴幽獨。

新寒

寒力欺誰得知儂典却衣暮禽差慰眼不作一行歸
湯田早行見李花甚盛

此地先春信年年只是梅南中春更早臘月李花開
似妬梅花早同時鬪雪膚新年二三月還解再開無

近峽

望峽初愁遠當前忽不知如何船進處却在棹停時

道上吟

樹影重重竹溪穿曲曲峰林深那有寺煙遠忽聞鐘
城中雪一尺山中雪一文地上都已消却在松栢上

游寺

去歲遊春屐苔痕故可尋人家隨岸遠塔影落湖深

御選穴詩

卷六三

楊萬里

八

客愛清殊絕僧愁凍不勝可憐兜率寺齋供一湖水

瑞香花新開十詠

錄六首

外著明霞綺中藏淡玉砂森森千萬筍旋旋兩三花

小霧迎風起輕寒索幕遮香中真上瑞蘭麝敢名家

老子親書倦昏然睡思來夢中誰喚醒窗外瑞香開

短短重籬小團團錦帔圍浮陽烘酒思沉水著人衣

茉莉通家遠柿花具體微春愁渾瘦盡別有瘦中肥

紫袖染難透瓊膚晒轉香小留供鼻觀開去未須忙

七月二十三日題李亨之墨梅

夏熱秋逾甚寒梅暑亦開無塵管城子幻出雪枝來

秋暑

夏暑減未曾秋暑增愈劇老翁避無處茅齋聊憇息
銀盆滿注水銀水同一色中涵雙桂影倒臥一天碧
寄題朱元晦武夷精舍十二詠錄二首

寒棲館

鍊玉雲粘杵朝眞露溼衣一聲夜半鶴月裏羽人歸

釣磯

月夜乘醉來垂竿玉溪曲水清無寸鱗釣得半輪玉

膳脂樓子

樓子膳脂色燈前豔更鮮看花直到曉今夕不成眠

登度雪臺

欲問金沙信聊登度雪臺碧桃良解事開過架梢來

御選宋詩

卷三

楊萬里

九

薊林五十詠錄八首

虎川

居士敬黃帽曾來照曉晴至今流瀼瀼猶學詠詩聲

歸來橋

已賡彭澤辭更擬輞川詩未老還山了猶嫌歸較遲

柑子園

秋顆酣天濕春花喫國香薊林親手種中有洞庭霜

放魚磯

爲惜丹砂尾親投碧草潭前頭有香餌千萬不須貪

通幽徑

點檢苔花暈微茫拄杖痕醺幾開落山雨濕黃昏

桃李蹊

白雪堆穠李紅藍染靚桃晨妝須早看莫待月華高

有山堂

閣皂風烟外江西有小天茲山本無主掇入筆牀前

連輝觀

極目斜陽樹乘風落葉涼更和山與水併作一秋光

芍藥初生

芍藥新移處紅拳粲萬雛看來已可愛未問有花無

寄題葛元亨舍人園亭

意山

不識弁山面相逢笠澤詩祇應晚雲散玉立對門時

御選宋詩

卷三

楊萬里

張孝祥

十

溪雲

門前三面山閣下一溪水雲出戲作霖却歸宿簷裏

與子上野步

籬落深深巷茅茨小小家冬晴好行脚何處不梅花

踏青

水換溪溪玉花呈嶺嶺春秧田喧處早茅屋補痕新

張孝祥

次東坡先生韻

微涼入船窗秋水滿湘浦過盡前頭灘只得夜來雨
悠然望江南日出煙靄微倚門雙白髮屈指待兒歸
漁師來賣魚船小風蕩漾得錢擊波去不怕江流漲

朝發良方磯暮宿白水灣寬作一月程須見江南山
野牧圖

吳牛三十角久與牧相忘忽憶淮南路春風滿柘岡
秋晚稻生孫催科不到門人閑牛亦樂隨意過前村

汪應辰

歸雲堂

浮雲本無心人心逐雲去更作歸雲堂雲歸竟何處

洪适

海棠花

雨濯吳妝膩風催蜀錦裁自嫌生較晚不得嫁寒梅

洪邁

御選穴詩

卷三

張孝祥

汪應辰

洪适

洪邁

朱熹

十一

雙林寺見柳書

幽谷雙林寺荒涼得遠尋誠懸遺墨在諫筆想心箴

朱熹

丘子野表兄郊園五詠

柳

欲識淵明家離離疎柳下中有白雲人良非遜世者

茶蘼

結椶遂芳植覆牆擁深翠還當具春酒與客花下醉

竹

移自溪上園種此牆陰路牆陰少人行來歲障幽戶

芭蕉

芭蕉植秋檻弗云憔悴姿與君障夏日羽扇寧復持
蔬圃

花柳遶宅茂先生在郊居下帷良已苦時作帶經鋤

宿山寺聞蟬作

林葉經夏暗蟬聲今夕聞已驚爲客意更值夕陽曛

濯足澗水

濯足澗邊石山空水流喧行旅非吾事寄此一忘言

宿篔簹鋪

庭陰雙樹合窗夕孤蟬吟盤礴解煩鬱超搖生道心

寄山中舊知

淒涼梧葉變芬馥桂花秋日夕湖臯勝哦詩憶舊遊

御選宋詩

卷五

朱熹

七

秋至池閣靜天高林薄疎西園有佳處那得與君俱

憶齋中

蟋蟀亂秋草故園風露深何因不歸去坐使百憂侵

聞蟬

悄悄山郭暗故園應掩扉蟬聲深樹起林外夕陽稀

雜記草木

天門冬

高蘿引蔓長插援垂碧絲西窗夜來雨無人領幽姿

紅蕉

弱植不自持芳根爲誰好雖微九秋幹丹心中自保

扶留

根節含露辛茗穎扶援綠蠻中靈草多夏永清陰足

竹

種竹官牆陰經年但憔悴故園新綠多宿幹轉蒼翠

榴花

窈窕安榴花乃是西鄰樹墜萼可憐人風吹落幽戶

萱草

春條擁深翠夏花明夕陰北堂罕悴物獨爾澹冲襟

澆花

早起獨行園花藥發奇穎猶嫌墜露稀更汲寒泉井

觀黃德美延平春望兩圖爲賦二首

劔閣望南山

御選宋詩

卷六三

朱熹

十三

川流滙南奔山豁類天闢層甍麗西崖朝旦羣峰碧

冷風望演山

方舟越大江凌風下飛閣仙子去不遠蒼屏倚寥廓

題九日山石佛院亂峰軒

因依古佛居結屋寒林杪當戶碧峰稠雲煙自昏曉

巖中老釋子白髮對青山不看看山想秋雲時往還

題可老所藏徐明叔畫卷

羣峰相接連斷處秋雲起雲起山更深咫尺愁千里

汲清泉漬奇石置熏爐其後香烟被之江山雲

物居然有萬里趣因作四小詩

錄三首

晴窗出寸碧倒影媚中川雲氣一吞吐湖江心渺然

一水渺空澗羣山中接連寒陰白霧湧飛度碧峰前
隱几對寒碧忘言心自閒豈知宜寂士滅跡青峰間

杜詩
滅跡

君山湖上
之青峰

家山堂晚照效輞川體作

夕陽浮遠空西峰背殘照爽氣轉分明與君共晚眺

奉同張敬夫城南二十詠

錄十
五首

納湖

詩筒連畫卷坐看復行吟想像南湖水秋來幾許深

東渚

小山幽桂叢歲暮靄佳色花落洞庭波秋風渺何極

詠歸橋

御選宋詩

卷六十五
朱熹

十四

綠漲平湖水朱欄跨小橋舞雩千載事歷歷在今朝

船齋

考槃雖在陸混漾水雲深正爾滄洲趣難忘魏闕心

麗澤堂

堂後林陰密堂前湖水深感君懷我意千里夢相尋

蘭澗

光風浮碧澗蘭杜日猗猗竟歲無人采含薰祇自知

石瀨

疏此竹下渠漱彼澗中石暮館繞寒聲秋空動澄碧

卷雲亭

四山雲氣深徒倚一舒嘯浩蕩忽窳開爲君展遐眺

柳堤

渚華初出水堤樹亦成行吟罷天津句薰風拂面涼

月榭

月色三秋白湖光四面平與君凌倒影上下極空明

琮瑋谷

湖光湛不流嵌竇亦潛注倚杖忽琮瑋竹深無覓處

聽雨舫

綵舟停畫槳容與得欹眠夢破篷窗雨寒聲動一川

梅堤

仙人冰雪姿貞秀絕倫擬驛使詎知聞尋香問煙水

采菱舟

御選宋詩

卷六十一

朱熹

五

湖平秋水碧桂棹木蘭舟一曲菱歌晚驚飛欲下鷗

南阜

高丘復層觀何日去登臨一目長空盡寒江列暮岑

題畫卷

吳畫

妙絕吳生筆飛揚信有神羣仙不愁思步步出風塵

鬼佛

冥濛罔象姿相好菩薩面鬼佛吾詎知水石玩奇變

范寬

山雄雲氣深樹老風霜勁下有考槃人超搖得真性

次劉秀野蔬食十三詩韻

錄九首

乳餅

清朝薦踈盤乳鉢有真味不用精瓊糜無勞爛羊胃

新筍

脩脩江上林白日暗風雨下有萬玉蚪三冬臥寒土

紫葍

誰將紫芝苗種此槎上土便學商山翁風餐謝肥犇

子薑

本草云薑久食去臭氣通神明
或云傷心氣不可多食者非是

薑云能損心此謗誰與雪請論去穢功神明看朝徹

南芥

黃龍記昔遊園客有佳遺不謂洛生吟輟餐時擁鼻

芋魁

御選宋詩

卷六十一

朱熹

六

沃野無凶年正得蹲鴟力區種萬葉清深煨奉朝食

筍脯

南山春筍多萬里行枯腊不落盤餐中今知綠如簣

豆腐

世傳豆腐本
乃淮南王術

種豆苗稀力竭心已腐早知淮王術安坐獲泉布

白葍

聞說閬苑瓊田產玉芝不收雲表露烹淪詎相宜

題米元暉畫

楚山直叢叢木落秋雲起向曉一登臺滄江日千里

祝孝友作枕屏小景以霜餘茂樹名之因題此

詩

山寒夕飈急木落洞庭波幾疊雲屏好一生秋夢多
墨莊四詠

墨莊

詩書啟山林德義久儲積嗣世知有人新畬更開闢

靜春堂

幽人本何心偶此翳環堵隱几亦無言光風遍寰宇

玩易齋

竹几橫陳處韋編半掩時寥寥三古意此地有深期

君子亭

倚杖臨寒水披襟立晚風相逢數君子爲我說濂翁

列岫望西山最正殆無毫髮遺恨滕王秋屏皆

御選宋詩

卷五

朱熹

七

不及也因作此詩

城中望西山拄頰空朝暮不到列岫亭詎知親切處
東西水平分南北山中判妙處毫髮間商略無遺算

次韻擇之進賢道中漫成

日暮重岡上人勞馬亦饑不妨隨野雀容易宿寒枝

劉德明彥集祝弟以夏雲多奇峰爲韻賦詩戲

成五絕

出山幾何時歸來便長夏端居心不怡散策長林下
爲客厭城市還家辭世紛朝昏何所見但有四山雲
閉門事幽討歲月忽已多客來無可問與君共絃歌
干時本已懶胸次况無奇若問中林趣婆婆祇自知

炎蒸不可柰雲氣滿前峰向夕風吹盡微聞遠寺鐘

百丈山六詠

石磴

層崖俯深幽微逕忽中斷努力一躋攀前行有奇觀

小澗

兩崖交翠陰一水自清瀉俯仰契幽情神襟頓飄洒

山門

置屋兩三間巧當奇絕處峽束百泉傾澗激回風度

石臺

出谷轉石稜俯身窺木末夕眺嵐翠分朝儕雲海澗

西閣

御選宋詩

卷六十一

朱熹

六

借此雲窗眠靜夜心獨苦安得枕下泉去作人間雨

瀑布

巔崖出飛泉百尺散風雨空質麗晴暉龍鸞共掀舞

雲谷二十六詠

錄二十一
一首

雲谷

寒雲無四時散漫此山谷幸乏霖雨姿何妨媚幽獨

南澗

危石下崢嶸高林上蒼翠中有橫飛泉崩奔雜奇麗

瀑布

峰回危逕轉垂練忽千尋不爲登山倦躊躇秋澗陰

雲關

白雲去復還黃塵到難入只有澗水聲出關流更急
杉逕

南起雲關口縈紆上草堂天風發清籟山月度寒光
雲莊

小丘橫翠几層嶂復嗟峨釋耒閒來看巖姿此處多
泉硤

入關但平田復此得清響何必問真源神襟一蕭爽
石池

兩岸蒼峭石護此碧泓寒秋月來窺影驪珠吐玉盤
西寮

畚田種胡麻結草寄林樾珍重無心人寒棲弄明月
御選宋詩

卷五

朱熹

十九

晦庵

憶昔屏山翁示我一言教自信久未能巖棲冀微效

草廬

青山繞蓬廬白雲障幽戶卒歲聊自娛時人莫留顧

懷仙

西望多奇峰北瞰獨仙府欲致武夷君石壇羅桂醕

揮手

山臺一揮手從此斷將迎不見塵中事惟聞打麥聲

雲社

自作山中人即與雲爲友一嘯雨紛紛無勞三奠酒

桃蹊

澗裏春泉響種桃泉上頭爛紅紛委地未肯出山流
竹塢

峭蒨桃蹊北蕭穆竹塢深不堪秋夜永風雨助悲吟
茶坂

攜籬北嶺西采擷供茗飲一啜夜窗寒跣趺謝衾枕
絕頂

當年赫曦臺移治在茲嶺寥廓無四鄰三光疑倒影
北澗

土斷川亦分北下成陰澗秀石得佳名服膺吾敢慢
仁義石
有澗

中溪
御選宋詩
卷六十一
朱熹

南下東嶺阿云是中溪道巖樹愛樛枝石田悲蔓草
休庵

別嶺有精廬林巒亦幽絕無事一往來茶瓜不須設
元範尊兄示及十梅詩風格清新意寄深遠吟

玩累日欲和不能昨夕自白鹿玉澗歸偶得數
語

江梅
大雪天地閉窮陰渺寒濱誰知江南信已作明年春

嶺梅
梅花破萼時瘴雨吹成雪驛使忽相逢無言似愁絕

野梅

野風吹孤芳迥立正愁絕皂蓋莫徘徊堪看不堪折

早梅

霜風殊未高杖策荒園裏仙子別經年相看共驚喜

寒梅

白玉堂前樹風清月影殘無情三弄笛遙夜不勝寒

小梅

且喜梅花開莫嫌梅花小花小風味深此意君已了

疎梅

玉笛未黃昏冰灘已清淺疎影不勝妍愁心爲誰遣

枯梅

樛枝臥龍蛇冷蘂綴冰雪千里故入心今年爲誰折予家

御選宋詩

卷五

朱熹

五

居時劉平甫折此枝爲贈

落梅

花開已淒涼花落更愁寂來歲煙雨時爲君和鼎實

賦梅

君欲賦梅花梅花若爲賦繞樹百千回句在無言處

武夷精舍雜詠

并序

武夷之溪東流凡九曲而第五曲爲最深蓋其山自北而南者至此而盡聳全石爲一峰拔地千尺上小平處微戴土生林木極蒼翠可玩而四隕稍下則反削而入如方屋帽者舊經所謂大隱屏也屏下兩麓坡坳旁引還復相抱抱中地平廣數畝

抱外溪水隨山勢從西北來四屈折始過其南乃復繞山東北流亦四屈折而出溪流兩旁丹崖翠壁林立環擁神剎鬼剎不可名狀舟行上下者方左右顧瞻錯愕之不暇而忽得平岡長阜蒼藤茂木按行迤靡膠葛蒙翳使人心目曠然以舒窈然以深若不可極者即精舍之所在也直屏下兩麓相抱之中西南向爲屋三間者仁智堂也堂左右兩室左曰隱求以待棲息右曰止宿以延賓友左麓之外復前引而右抱中又自爲一塢因累石以門之而命曰石門之塢別爲屋其中以俟學者之羣居而取學記相觀而善之義命之曰觀善之齋

御選宋詩

卷六

朱熹

三

石門之西少南又爲屋以居道流取道書真誥中語命之曰寒棲之館直觀善前山之顛爲亭回望大隱屏最正且盡取杜子美詩語名以晚對其東出山背臨溪水因故基爲亭取胡公語名以鐵笛說具本詩注中寒棲之外乃植援列樊以斷兩麓之口掩以柴扉而以武夷精舍之扁揭焉經始於淳熙癸卯之春其夏四月旣望堂成而始來居之四方士友來者亦甚衆莫不歎其佳勝而恨他屋之未具不可以久留也釣磯茶竈皆在大隱屏西磯石上平在溪北岸竈在溪中流巨石屹然可環坐八九人四面皆深水當中窠白自然如竈可爨

以淪茗凡溪水九曲左右皆石罅無側足之徑唯
南山之南有蹊焉而精舍乃在溪北以故凡出入
乎此者非漁艇不濟總之爲賦小詩十有二篇以
紀其實若夫晦明昏旦之異候風煙草木之殊態
以至於人物之相羊猿鳥之吟嘯則有一日之間
恍惚萬變而不可窮者同好之士其尚有以發於
予所欲言而不及者乎哉

錄八首

精舍

琴書四十年幾作山中客一日茅棟成居然我泉石

仁智堂

我慙仁智心偶自愛山水蒼崖無古今碧澗日千里

御選宋詩

卷六十一 朱熹

十一

隱求齋

晨窗林影開夜枕山泉響隱去復何求無言道心長

止宿寮

故人肯相尋共寄一茅宇山水爲留行無勞具雞黍

石門塢

朝開雲氣擁暮掩薜蘿深自笑晨門者那知孔氏心

鐵笛亭

山前舊有奪秀亭故侍郎胡公明仲嘗與山之隱者
劉君兼道游涉而賦詩焉劉少豪勇游俠使氣晚更

晦迹自放山水之間善吹鐵笛有穿雲裂石之聲胡公詩有更煩
橫鐵笛吹與衆仙聽之句亭今廢久一日與客及道士數人尋其
故址適有笛聲發於林外悲壯回鬱巖石皆
震追感舊事因復作亭以識其處仍改今名

何人轟鐵笛噴薄兩崖開千載留餘響猶疑笙鶴來

茶竈

僊翁遺石竈宛在水中央飲罷方舟去茶煙裊細香

漁艇

出載長煙重歸裝片月輕千巖猿鶴友愁絕棹歌聲

木芙蓉

紅芳曉露濃綠樹秋風冷共喜巧回春不妨閒弄影

蕙

古所謂蕙乃今之零陵香今之蕙不知起於何時也

今花得古名旖旎香更好適意欲忘言塵編誰能考

木犀

喬木生夏涼芳蕤散秋馥未覺歲時寒扶疎方遶屋

菊

青蕊冒珍叢幽姿含曉露政爾破荒寒詎免傷遲暮

御選宋詩

卷六

朱熹

五

丘子服來訪道間得古梅折以爲贈劉叔通江

文卿俱來各有佳句因各次韻爲答二首用叔

通韻

錄一首

獨樹臨孤岸橫枝放淺花不須煩驛使正耐雪斜斜

庚申立春前一日

雪花寒送臘梅萼暖生春歲晚江村路雲迷景更新

謁表伯余宋祐

江上雪意滿風吹竹林平先生但堅坐稚子開柴荆

題尤溪宗室所藏二妃圖

錄一首

湘夫人

瀟湘水落時玉佩秋風起日暮悵何之寂寞寒江水

醉作三首

七月二十六日夜

浙浙西風起候蟲寒夜分千山杳沉寂竟夕斷知聞
浙浙西風起嗷嗷寒鴈多稻梁隨處有珍重采薇歌
浙浙西風起濺濺石瀨鳴有情從是妄箇裏定無情

張栻

城南雜詠二十首

錄十四首

船齋

窗低蘆葦秋便有江湖思久已倦垂綸游魚不須避

麗澤

長哦伐木篇佇立以望子日暮飛鳥歸門前長春水

蘭澗

御選宋詩

卷五

朱熹 張栻

三五

藝蘭北澗側澗曲風紆餘願言植根固芬芳長慰子

山齋

疊石小崢嶸修篁高下生地偏人跡罕古井輓轡鳴

書樓

高樓出林杪中有千載書昔人不可見倚檻意何如

石瀨

流泉自清寫觸石短長鳴窮年竹根底和我讀書聲

卷雲亭

雲生山氣佳雲卷山色靜隱几亦何心此意相與永

柳堤

前年種垂柳已復如許長長條莫攀折留待映滄浪

月榭

危欄明倒影，面湧金波。何處無佳月，惟應此地多。
濯清亭

西嶼

芙蓉豈不好濯濯，清漣漪采之不盈把。怱悵暮忘饑，
繫舟西岸邊。幅巾自來去，島嶼花木深。蟬鳴不知處，
琮瑋谷

梅堤

幽谷竹成陰，懸流著石清。不妨風月夕，來此聽琮瑋。
亭亭堤上梅，歷歷波間影。歲晚憶夫君，寂寞煙渚靜。

采菱舟

御選宋詩

卷之三

張栻

三

散策下亭阿，水清魚可數。却上采菱舟，乘風過南浦。

題曾氏山園十一詠

錄六首

霜傑

種松苦難長，松長還耐久。莫作目前思，但種門前柳。
君子亭

蓼步

嘉蓮秉嘉質，邂逅逢賞音。翁豈玩物者，寄意一何深。
扁舟橫薄暮，渺渺蓼知秋。家山有江湖，何必賦遠遊。

梅沼

寒梅只自芳，野水有餘清。山空歲云暮，妙意相發明。

桃花塢

花開山與明花落水流去行人欲尋源只在山深處
橋邊風月佳俛仰有餘思無忘履冰心方識吟風意

吟風橋

御選宋詩卷第六十二

御選宋詩

卷六十二

張栻

三

